

УБМБУ Судакъ шеэри больгеси
«Къырымтатар тилинде окъуткъан 3
номералы орта умумтасиль мектеби»

Къырым Эвляды

1 НЕШИР

Сентябрь 2023с.

Газетанынь бу
номерасында:

Биринджи чанъ!

*«Без чичек»
хайрие акциясы*

*Бизим
футболжыларымы
3*

Лятифелер

Биринджи чанъ!



2023 с. 1 сентябрь
куню УБМБУ
Судакъ шеэри
больгеси
«Къырымтатар
тилинде окъуткъан
3 номералы орта
умумтасиль
мектеби» озь
къапуларыны
талебелери
ачты.

Мудир талебелерни, ана-бабаларны ве оджаларны яньы окъув йылынен хайырлады, эркеске сагълыкъ ве мувафакъитлер тиледи. Биринджи сыныф талебелери оюн багъышладылар ве ана тилинде шиирлер окъудылар. Илериде мезун оладжакъ 9-нджы ве 11-нджи сыныф талебелери 1-нджи сыныф талебелерине бахшышларны, устюнде тилеклер язылгъан учакъларны ве мектеп эмблемасыны багъышладылар. Биринджи чанъны 11-нджи сыныф талебеси Ягъяев Усеин ве 1-нджи сыныф талебеси Акимова Найле бердилер. Эркеске яньы окъув йылында къавий сагълыкъ, яньы гъалебелер ве мувафакъиетлер тилеймиз!



«Без чичек» хайрие акциясы

29 сентябрь куню мектебимизде «Без чичек» хайрие акциясы кечирильди. Бу адетни П Николай, Русиеде, ихтияджи олган ве хаста балалар ичюн пара топламакъ ичюн тайын этти. Бу адет энди 100 йылдан чокъ умумрусие аркетининъ парчасы сайыла. Талелелер ве оларнынъ ана-бабалары ярмалыкънынъ кечирильмесинде актив иштирак эттилер, татлылыкъларны саттылар. Ярмалыкътан эвель, оджамыз, А. В. Криль 7-а ве 7-б сыныф талелелери ичюн мастер-класс кечирди: талелелер акциянынъ тимсалини - без пападиени япмагъа огрендилер. Талелелернинъ эллери иле япылган чичеклер ярмалыкъны яраштырдылар ве эркеске онынъ неджип макъсадыны хатырлаттылар. Топланылган паралар хаста балаларнынъ тедавийлерине ёлланылдылар.



Бизим футболджыларымыз!

30 сентябрь куню Судакъ шеэри
больгесиндеки умумтасиль
мектеплери арасында
Джумхуриет футбол
ярышмаларынынъ «Къырым
Джумхуриетининъ
Башлыгъынынъ купасы» 2023 с.
ярышынынъ муниципаль этапы
кечти.
УБМБУ Судакъ шеэри больгеси
«Къырымтатар тилинде
окъуткъан 3 номералы орта
умумтасиль мектеби» нинъ
командасы 2 ерни алды!
6-б сыныф талebesи Чобанов
Муса ярышманынъ Энь яхшы
къапы бекчиси оларакъ сечильди!



Бизим футболджыларымызны ве оларнынъ идманджылырыны
Павло Юсуф Мустафаевични ве Ибрагимова Февзи
Фархадовнаны джан-юректен хайырлаймыз!



Лятифелер

КЪАРГЪА ВЕ АМЕТ АКЪАЙ

Бир кунь, Амет акъай Озенбаш озенине барып урбасыны юва. Шу арада бир къаргъа учып келе, онынъ бир топач сабуныны алып кете. Амет акъай еринден атылып тура, амма... Къаргъаны тапсанъ — ал. О къаргъанынъ сим-сия къанатларына бакъып:

– Онынъ къанатлары меним урбаларымдан да кирли, къара экен. Ювунсын, арынсын, – дей.



МУСАФИРЛИКТЕН КЪАЙТКЪАНДА

Амет акъай къорантасынен къомшу койден мусафирликтен къайткъанда ёлда бир арабаны токътата да онынъ саибини сорай:

– Озенбашкъадже экимизден къач кумюш алырсынъ?
– Сизден ве къадынъыздан бир бучукъ кумюш алырым. Балалар исе бедава отурып кетер. Амет акъай севине-севине балаларыны арабагъа отурта. Апайнынъ: «Амет, бизим о къадар акъчамыз ёкъ, сен не япасынъ?» дегенине бакъмадан:
– Айды, балалар, сизлер кете бересинъиз. Биз джаяв келирмиз, – дей.



АЙТМАГЪАН ОЛСАНЪ...

Бир адам Амет акъайгъа шакъа этип:

– Биз эр вакъыт сени бир-биримизге яманлайыкъ,
– дей.
– Шу лафны аймагъан олсанъ сенинъ ахмакъ экенини бильмезедим, – дей Амет акъай.

